

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Ursach und handelung, In d' keyserlichen ... Statt  
Meydeburg, ein christlich wesen und wandel belangende**

**Cyclops, Wolfgang**

**Maydeburg, 1524**

[urn:nbn:de:bsz:31-289189](https://nbn-resolving.org/urn:nbn:de:bsz:31-289189)

Wolf Cicloff  
Vrsach vnd handelung  
1524

85 A

7817

RH





( Wolf Cyclop oder Cicloff )

Pauzer 2395; Benzing, Schürer Edm 65

Typen wie Götze 31 (Freiburg, Joh. Fubar)

dort erst 1529

davor Basel 1526-29

Vgl. Hülße S. 287, Nr. 4 (Orig.-Dr. Hans Knappe)

= Weller, Suppl. I, Nr 323

|| Schottenloher 25632

7.  
VRSACH VND

handlung: In d̄ Keyserlichen Lōb  
lichen vnd Christlichen Statt Maydeburg/ Ein Christ  
lich wesen vñ wandel belangende/ Dornstags nach Mar  
garethe/ Des. viii. tags Julij. In den zweyen Pfar  
ren/ S. Joannis vñ S. Vlrichs. Durch die  
Christlichen gemeynen vñnd versam  
lungen Offentlichen gehandelt vñ  
beschlossen. Anno 2c.

1 5 2 4



Maydeburg.



[1524]

ak

[Vert.: Wolfgang Cyclops]

85A 78.17.RH

z V



## A Donstage nach

Margarethe/des. viij. tags Julij/  
zū. vij. vren vor mittag/ Im 1524  
jare/nach vnsers eynigen seligma/  
chers Jesu Christi menschwerdüg/  
seyn berüfft vnd zūsamē gefordert  
alle Christglaubigē Wansinamēs/  
beyder Pfarren/ S. Joannis vnd S. Ulrichs/ Der

Keyserlichen löblichen vnd Christlichen statt Weydel  
burg/vnd yedes teyl in seynē eygenleybrē Kyrchspyl/  
mit zūhauß vnnnd hyndersich lassung aller annemung  
oder verachtüg der personen/hohen od nydren stands/  
weltlicher vnd von Gott verordneter oberkeit/ nichts  
entgegens oder nachteyligs zūhandlen/ In dem namē  
gottes des allmechtigē ist erschynē/ Da selbst in grunde  
recht götlicher vñ ewig bestendiger heyliger schrifft/ got  
tes ere vnd jter selen heyl vnd seligkeit fleysigliche be  
hertzer/ Mit emsiger vnnnd schmerzlicher betrachtung  
des (in heyliger schrifft) falschs vnd vngegründten/ er  
richten/ alleyn vff geytz gerichtē/ vnnnd biß anher al  
so lange zeyt/ auß götlicher straff/ vermeynten vnd al  
so erschrocklichen mißbrauchten gottes diensts/ Dar  
durch der rechtschaffene/ in heyliger götlicher schrifft al  
leyn gegründter/ vñ von Gott gebotner gottes dienst/  
Das ist/ der eynige/ vor Gott gerecht oder frum mach  
ende glaub vnd vertrauen in Christum Jesum/ sampt  
allen seynen fruchten/ auß safft vnd krafft/ des eynigen  
warē weinstocks Jesu Christi/ durch die wirkende vñ  
zeytrigmachende werme vñ hyrte/ der brünstigē Christ  
lichen vnd götlichen liebe/ dem nechsten zū güt erwach  
sen/ nit alleyn verseümet vnnnd verachtet/ sunder auch  
gang vnnnd gar vnderdrucket ist worden/ Haben der

Joan. 15.



**Eph. 4.** halben nicht fürter als die milchsaugende kynder/ mit vnbeständigem wynde der lere/ durch bosheit der menschen vnd betriegercy/ zu beschleychen vnd zu verfürer gewyget vnd vmbgetryben wöllen werden/ Sunder als die wircker der warheit/ durch die rechtschaffene liebe/ zu der vereynigung der heyligen/ inß werck d' dienstleistung/ vnd zu vffrichtung des leybs Christi/ biß das sie alle sampt eynand begegengen/ zur eynigkeit des glaubens vnd erkantniß des süns gottes/ zu eym vollkommen mañ in maß des alters vnd vollkummenheit Christi/ der alleyn das eynige haubt ist/ Auf welchem der ganze leyb verfürget vnd verhestet/ durch alle sügen vnnnd gelenck/ der dienstleistung/ nach wirckung in maß eyns yeglichẽ glyds/ das da wircket des leybs erwachung zu der besserung seyn selbst in der liebe.

**¶** Zu welcher vnaußsprechlichẽ gnade gottes/ auß laurerer mylden vnd gnedigen barmhertzigkeit/ wir alle geruffen/ doch nit alle durch den glauben seyn kummen/ sinder vil als die verechter verworffen seyn/ Da von Gott durch den Propheten Abacuk gesagt hat/ sprechende/ Schaut vff in die Heyden/ Sehet/ verwundert vnd entsetzt eüch/ Den ich wil in eüwern tagẽ ein werck thun das jr nit glauben werdet/ so man das eüch wirt sagen. Dasselbige haben sie nit alleyn (auß göttlicher gabe) nit verachtet/ Sunder auch mit hertzlicher dancksagung willigklichẽ vffgenummen/ vñ jm als eynem warhafftigẽ Got vff seyne zusage alleyn vertrauet/ D' er seyne gesetze in jr hertz wolt schreyben/ vnd er wolt jr Got/ vnd sie solten seyn volck werden/ vnd als ein gnediger Gott vnd vatter/ jrer sünd nymmermer gedencken. Vff das aber die that mit dem namen überein vñ zusamẽ trefft/ So haben sie all jr Christlich vñ warhafftig geysliche wesen vnd wandel/ nach erforderung götlichen willens

**Abacuk. 1.**

**Hiere. 31.**

(in heyliger vnd vnwanckender schrifft allenthalbē ver-  
fasset) also vffzurichten/ vor mittels göttlicher hilff/ vn-  
derstanden/ Das sie nit alleyn (aller schmachrede vnd  
ergerniß züuertumen) irer hoffnung vnd glaubens/ ey-  
nem yeden der da grundt vnd rechenschafft erfordert/  
in senfftmütigkeit vnd forchte/ zü thun sich erbarlich er-  
bieten/ Sunder auch vor dem gestrengsten vnd aller  
ernsten/ des jüngsten tags/ gericht/ wider sünd/ todt/ hel-  
le vnd teüffel/ in gegenwert/ des eynig gerechten vñ ge-  
rechtfertig machenden gottes/ seyner gnedigen vñ war-  
haftigen/ in Christo Jesu/ gethoner züsage bestendig/  
elichen getröster/ vnd gantz daruff sich vertrauet vnd  
verlassen wöllen haben.

**D**arumb die Christliche versamlung vnd gemeyne/  
der löblichē statt Meydeburg/ nit vff menschliche witz  
vnd vernunft gebawet/ sunder vff Christum Jesum  
vñ seyn heyliges wort vnd göttliches recht/ als vff dest  
vnbeweglichen selß/ bestendiglichen gegründet/ Hat  
dise nachgeschrybene stück vñ Artickel eyntrechtlichē  
gehandelt vnd beschlossen/ vnd an den würdigen herrē  
Heinrichen Schott/ Probst vñ Capitel Premonstra-  
tensis Ordens im Closter/ genant/ zü vnser lieben Frau-  
wen/ als an den obersten Pfartherin (nach zwyr verge-  
bens gethoner ersüchung bey den vndern Pfartherin)  
züm überfluß vnd dritten mal/ durch ire verordnete vñ  
vollmechtige anwalden vorgetragen/ Mit angeheffter  
fleyssiger bit vnd beger/ solches in keyn weytern nachles-  
sigen verzug/ Sunder kürzlich/ vnd vffs aller erst inß  
werck züstellen/ Vnd wölte fleyssiglichen ansehen vñ  
beherzen/ das dises sünemē/ in eßentlicher klarer/ hel-  
ler/ heyliger schrifft/ vnd göttlichē gesatzten rechten/ dem  
da nit alleyn die weltlichen/ vnd vermeynte geysliche/  
Keyserliche vnd Päpstliche recht/ sunder alle ding vnd

Joan. 15.

ordenung in hymel/ hell vnnnd vff erden/ vnderworffen  
seynd) nicht alleyn wol gegründet/ sunder auch vō gott  
gebotten vñ gefordert ist/ Vermag auch wol/ sich selbst  
vñ alle die daran hangen vnd sich darnach richten/ ver  
tedingen handthaben vnd beschützen/ welche darüber  
der Prophet im ersten Psalm auch selig nennet/ das sie  
jren willen vnnnd wolgefallen in dem geseze gottes/ tag  
vnd nacht zūnemen sich üben vnd gebrauchen. Di  
se vnd dergleychen vrsachen vrt Eyl vnnnd rechte/ sollen  
in vnd alle menschen (wölleu sie anders Christen seyn)  
gnügsam bewegen/ disem vorgetragnen handel vnge  
wegert stadt zūgeben. Seyn sie aber nit Christen/ als  
sie warlichen nit geseyn mögen/ bey welchen die wortte  
Christi keyn stadt mögen haben/ Ey so mögē sie auch  
nit Christliche Bischoff/ Pfarzer oder seelsorger vnnnd  
hyrten seyn/ dadurch sie auch rechtlich vnd mit augen  
scheyner that jres vermeynten ampts gebürlichen seyn  
entsetzet/ vñ der Christlichen versamlung/ sich mit tūg  
lichen hyrten vnd seelsorgern zūuersorgen/ alle gerecht  
tigkeit ist frey wider eingeraumet. Nach diser meynūg  
solte er sich wissen vngewegert zū halten vnnnd zūrich  
ten/ Verhoffen derhalben/ vnnnd wissen auch für war/  
solches wesens/ thuns vnd wandels/ vor Gott/ vnd al  
len warhaffigen Christen menschen/ gütten/ redlichen  
vnd erlichen sūg zū haben vnd zū behalten/ vnd von al  
lem argwon/ gangz wol zū entschuldiget zūseyn/ Aber  
den argen vnd vnglaubigen/ kan vnd mag nichts/  
den jr arge vnd vngleübige fürnemen/ gelobet  
vnd für güt angesehen werden/ welch  
en sie keynerley weyse gedencē  
hyr mit zū wilfaren.



**Artickel vnnnd beschluß an den**  
w. h. Henricū Schott von Schausen Probst sampt  
seynē Capitel/ Premonstratensis Ordens/ im kloster/ ge  
nant/ zū vnser liebē frawen/ in der alten statt/ als an den  
obersten Pfarzherin/ durch die verordneten anwaldē/  
beyder kyrchspyl/ S. Joannis vnd S. Vlrichs/ mit  
fleyssiger vñ vnuersaglicher bitt vñ beger fürgetragen.

**Der erst Artickel.**

Das d̄ würdige herz Probst/ als d̄ oberste Pfarzherz/  
wolte vñ solte/ die yetzgenantē zwey kyrchspyl mit sol/  
lichen tüglichen vnderpfarrern vnd seelsorgern besetzen  
vñ versorgen/ welche das klare/reyne vñ von allen vn̄  
dienstlichē vñ hynderlichē beyleren (als das seyne goldt **Psal. 116**  
vnd sylber) abgeleiterte göttliche wort/ vnd tröstliche **Marci. 16**  
Euangelii (welches alleyn vō Christo Jesu/ den Apo/  
steln/ allen creaturen zū predigē besolen ist) fleyssiglichē  
solten verkündigen/ oder zū verkündigen verschaffen.

**Der ander Artickel.**

Das eynem yeglichen/ der durch göttliche gnad/ sich  
in seynem gewissen/ mit dem gesetze gottes/ berürt vnd  
gedrenget befindet/ vnd durch die Euangelische götli/  
che zūfagung/ in der empfangung des leybs vnnnd blüts  
des herren vnder dem Sacrament des brots vnd des  
weyns erinnert/ Seyn gewissen begert zū trösten/ still/  
len vnd zū bestyden/ Sollen die Pfarzer vnd seelsorger/  
nach Christi vnfers erlösers vffsatzung (vnangesehen **Matt. 26.**  
eynigerley menschen gebott) vnuerzäglich vnd vnge **Mar. 14.**  
wegeret mitteylen vnnnd reychen/ vnnnd mit den andern **Luce. 22.**  
schwachgleibigen/ bis zū weyterer sterckung/ in ge **1. Cor. 11.**  
wonlicher weyß/ vnder eyner gestalt/ zū willfaren/ ge  
dult tragen.

Der dritte Artickel.

Die Pfarzherren vnd seelforger/sollen (in heyliger vnd görtlicher schrifft) falsch oder vngegründte/vnd geldel/ sichtige mißbreüch der vermeyneten vnd von mensch/ lichem gütduncken ertichtē gots dienst (als da seyn/ die Mess für ein opffer zugebrauchen/ vñ für die sünd der todten oder lebendigen menschen genüg zürhün/ dar/ auß auch geflossen/ Voruff heyligē oder Seelmessen/ vigilien/ersten/sybenden/dreyßigsten vnd jargezeyten/ vnd was der geleychen geltnerze/angel vnd stricke/vm/ mermer geseyn mögen) gantzlichen abstellen vnd vffhe ben/als die aller lystigsten vñnd schedlichsten mittel/da durch der eynige vor Gott gerechtmachende glaub vñ vertraw/in Christu Jesum/ vnd die brüderliche Christ liche lieb/ein so lange zeyt vergessen/aufgelescht vñ ver tilget ist worden/Darumb das wir gottes wortten vnd seynem gnedigen willen vnd wolgesallē nit ganz allein geuolgt/sunder veracht vnd verlassen haben/So hat er vns auch in vnseren eygenen vnd sündlerliche sünd/ lin nach vnseren eygenen hertzens/gesichten treümen/ vñ betriegnyssen so ganz erbärmlich lassen verzyren/ als er wanden kyndern von Israel auch widerfare/vñ durch die Prophetē zu vnser vñdwyfung beschribē ist.

Psal. 50.  
Esaie. 30.  
Hiere. 23.

Der vierde Artickel.

Das die Pfarzer vnd seelforger das Sacrament der heyligen Tauff/ als das erste zeychen der einleybunge Christlicher gemeyne vnd versamlung/Wit Teütschē gewonlichen vñnd verstendigen wortten (So des yel/ mandts begert) sollen gebrauchen/ oder zugebrauchen verschaffen/Vff das die geuattern/ od des kyndes pa/ then/ sampt den vmbstendigen hören vnd vernemen mögen/was sie für das kyndt da selbst glauben/vñ ge/ Marci. 9. loben/in welches glaubens krafft/der taube vnd stum/ mend b̄

mend böse geyst/des kyndes seel/zü eyner behausung vñ  
wohnung/dem görtlichen geyste/ müste verlassen/ vñ so  
das selbige kynd zü vernünfftigen vñnd mündigen Ja  
ren keme/des verhaften vnd pflichtigen glaubens vñ  
gelobens/getrewlichen erinnern vnd vermanen kündē/ *Eccle. 5.*  
Da durch es mit vnvorsichtigen/thölichen vnd Gott  
mißfelligem gelübten/wider das erst gethene/vor Gott  
zū handelen mit nichte sich vnderstünde/als in den vn/  
chrißlichen vnd meyneydigen geystlichen vñ klöster ge/  
lübden/mit verdammniß so vil tausent selē/ manch hun  
dert jar/so erschrocklichen geschehen ist.

Vff dise vorgeschrybene vnd mündlichen vorgerrage  
ne Artickel vñ stücke/hat der W. H. Propst vnder an  
deren vñnd vil weyter vorlauffenen wortten/ Das lob  
der Keyserliche statt Meydeburg berürende geantwort  
vñnd sagt/ Das zür zeyt löblicher gedechtniß Bichoff  
Ernst/were ein legat von Rom alhyr zü Meydeburg  
gewesen/vñnd hett gesagt vnd bezeüget/ So yrgent in d  
ganzen Christenheit/eyne Christliche berümbte Stat/  
seyn möchte/so were Meydeburg die selbige/oder d sel/  
bigen eyne/von wegen der herlichen vnd trefliche schö  
nen kyrchen/klöstern vñnd stifften sampt d vñnsprechliche  
gottes diensten/das es von rechts wegen/ wol ein kleyn  
Rom möchte genennet werden/ Vñnd in neme derhal/  
ben nit ein wenig wunder/ das sie Keyser Otten/ seli  
ger gedechtniß so thümliche that vñ kost/ in zü grossen  
eren vñnd seligen diensten geschehen/also leychtlichen in  
vergessen gestellet hetten/vñnd von im solche newerüg/  
wider so lange vñnd löbliche gebreüche der Römischen  
kyrchen vffzurichten dörfsten begeren/ So künde vñnd  
vermöchte er auch nictes in darinnen gewillfarē/ den  
er müste on wissen/ willen vñnd zülaffung seyner ober/  
sten/welchen er gehorsam züleysten verpflichtet were/  
B

nichtes erlauben/weder nider zulegen noch vffzurichten/das in der Römische kyrchen nit gebreüchlich noch gewöñlich were/ Den er wüßte sich mit dem wort gottes wider die selbigen nicht zü vertedingen vnd beschüzze/ Er müßte darzü auch bedencliche zeyt haben/ darinnen er sich mit seynem obersten berhatschlagen künde.

liij

liij

¶ Daruff ist im kürzlichen mit der gleychen wortten geantwortet/ Das die Christliche versamlung/ der löblichen statt Heydeburg/diser vermeynten gottes dienst sich wenig/ vor Gott/wüßte zürösten/ vnd künde oder möchten der ere wol gerharen vnd emberen/ob sie gleych weder groß noch kleyñ Rom vergleychet würden/sunder sie begerten vil lieber güte vnd frume Christen zü seyn vnd befunden werden.

i

¶ Das er aber diß sünemen eyne neüwerung nennet/ Ist im der gleychen vorleget/ Das jr vermeynter gottes dienst/gar vil neüwer ist/der das merer teyl inwendig vier oder fünff hundert jaren ist vffgangen vnd zü kreffte kumen/ Vñ das diser yezund wider angefangen/ bey der Aposteln vnd Christi gezeyten ist angesetzt vñ gehalten worden/ vñ darnach nach menschenfündig gottes dienst von tag zü tag/mer vnd mer vermenger/ also lang biß der reyne waißen des götliche worts/durch den vntüchtigen schwarzen raden menschlicher lere genzlichen ist verdruckt/darinnen d rechte grundgüter gottes dienst/gelernet vnd gebort ist. Es gylt auch bey den Christglaubigen keyn lange gewonheit etwas/ sund alleyn götlich wort vnd warheit/ Den tausent jar menschen thant vnd lügen/ist nye ein stund oder augenblick/warheit gewesen/ Sunder der geystlichen oberkeit halbē/welcher er gehorsam sein müßte/trüg die rechte Christliche kyrche oder gemeyne versamlung ganz keyne wissen/vñ ob man sie ein zeytlang vnder dem na

Dath. 13

ij

men der christlichen kyrchen verleytret vñ verfürer her-  
 te/wölten sys/die weyl mans nün besser waist/Got zü  
 ernen vñ jren seelen zü güit/nit lenger gestatten/Sie wü-  
 ften vnd erkenten auch keynen andren oberherren/in d  
 waren geystligkeit/ der da über jre seelen vnd gewissen  
 regierē möchte oder solte/Deñ Chustum Jesum alleyn  
 mit seym götlichen wortt/den sie vor jr eyniges haupt/  
 vnd sich vor seyne glydmaß glaubten vñnd bekenten/  
 Wölten sie aber gottes diener vnd schaffner/oder auß/  
 teyler seyner geheymnüß seyn/ als jr titel vñnd namen  
 lauter/Alsdē solten sie als die geordneten glydmaß ey-  
 nes leybs gern von jn erkennen vnd vffgenūmen wer-  
 den/Vnd wo sie mit gottes klaren reynen vnd lauterem  
 wortten von jn gespeysert würden/So wölten sie wider  
 umb die selbigen mit leyplicher notturfft vnd narung/  
 daran sich ein Chustlich reychtumb benötigen/last/ wol  
 versorgen/Vnd das also ein leychnam durch mancher  
 ley handtreychung eynes dem anderen zü hilff zükum-  
 men/ in dem eynigen haupt Christo Jesu/ in welchem  
 alle ding jre ankunfft vñnd enthaltung haben/Dauon  
 er auch eynige speyse der seelen empfienge/vñnd möcht  
 erwachsen vnd enthalten werden. Das sich auch aber  
 der herz Probst mit dem wort gottes nit wüste züuertā-  
 digen vnd beschützen/were vast schrecklichen/züuoran  
 an geystlichen leütten vñnd Prelaten zü hören/die weyl  
 wirdoch auch wider die hellischen krefftē damit sechten  
 vnd besten müssen. Aber der bedencklichen zeyt halbē/  
 Weyl keyn benanter/oder ja die sach alleyn weytter zü  
 verhynderen/allzū langer termin würde sūrgenummē/  
 welchen sūrter züuerstreckē die anwalden von d Chri-  
 stlichen gemeyne keyn befehl empfangen hetten.  
 Die weyl dan der Chrißlichen gemeynen versamlung/  
 auß götlichem recht/gebürliche pflicht/weder von den

1. Timo. 6.

Colof. 2.

iiij

iiij

B ij



vndersten/noch von den obersten Pfarthern widerfa-  
ren möchte/Haben sie nach vilfaltiger erfuchung/gött-  
liches geschribenen rechtes vnnnd heyliger schrift alleyn  
sich getröset/vnd zu irer Christliche freyheit gegryffen  
vnd wie dan züuor kürzlichen/Züm ersten die Augusti-  
ner/ vnnnd darnach die anderen drey Pfarren/ sant Ja-  
cobs/sant Peters/vnnnd sant Katharinen auch gethon  
hatten/Den vermeynten Pfarthern vñ hirten das Can-  
tate widerumb geleger/vnd nach inhalt Joan. am. x.  
als die schäflin Christi d diebe vñ mördet styme (die da  
nit zü der eynigen thür Christum/die schaff zü weyden/  
sunder zü schlachten vnnnd zü stessen/ in den schaffstal  
Christi oben durch das dach hyneyn seynd gestigen vñ  
gefallen) nit mer gehorchen noch in zü volgen habē für  
genumen/Sunder wölle alleyn züflucht habē/zü irem  
eynigen rechten/heyligen/ vnschuldigen/ vnbefleckten/  
von den sündern/über alle hymel/abgesünderren/ewig  
lebenden/vnd mit dem göttlichen eyd bestetigtem aller  
höchsten Pfartherren/ Seelsorgern/ Bischoff vnnnd  
Bapst Heb. vij. Psalm. cix. Der da bey in vnnnd al-  
len Christglaubigen wonet/ alle die tag/biß an das end  
der welt/Matthei. xxv vij. Welcher auch alleyn ist eyn  
warer Gott/vnd mensch/Joan. j. Ein eyniger sün göt-  
tes/in welchem der vatter ein wolgefallen hat/den wir  
als eynen rechten lernmeyster hören sollen/Matt. xvij.  
der sampt dem vatter ein ding ist/Joā. x. der da nach  
der erfüllung der zeyt/von eynem weyb geboren/ist vn-  
der das geseze gethon/ vff das er alle/ die vnder dem  
geseze waren möchte erlösen Gal. iij. Der da vns nit  
mit vergencklichem goldt vñ sylber/sunder mit seynem  
rewren vnd vnschuldigen blüt erkaufft vnd erlöset hat  
j. Petri. j. Derhalben er auch zwyschen Gott vnd allen  
menschen/der eynige mütler/ beyde der erlösung vñ der

erwerbung ist/ Welches keyner lauterer creaturē mltig/  
lichen geseyn mag/ Den alle ding seynd durch vñ in jm  
geschaffen/ vñnd werden auch alleyn in jm enthalten.  
Col. j. In welche wir als die glydmaß eynes leybs vor  
eynander zū sorgen seyn verpflichtet. j. Corint. xij. Vñ  
vor einander zū bitten/ vñ das wir alle selig werden Ja  
cobi. v. In welchem alle die schätze der weysheit vñd  
wissenheit verborgen seynd/ Colo. ij. vñd der da alleyn  
ist/ allen gleübigen/ von Gott die gemachte vñd gegebe  
ne weysheit/ gerechtigkeit (die da vor Gott alleyn gyle)  
heyligkeit vñd erlösung. j. Corinth. j. In dem wir alle  
befreydet seyn/ Joan. xvj. Der da ist/ d' eynige weg/ war/  
heit vñd leben Joan. viii. Welchen recht zū erkennen  
als eynen warhafftigen Gott sampt seynem hymlichē  
vatter/ ist das ewige leben/ Bey dem vñnd keynem an/  
dren/ wöllen vñd söllen/ sie vñd alle Christgleübige her/  
zen/ als bey irem hauptman ritterlichen fechten/ vñ sol/  
ten sie von seynen feynden vñd wider parthen/ geschen  
det vñd geblendet/ gestöckt vñd geblöckt gewältiglichē  
werden/ In dem selbigen alleyn söllen vñ wöllen sie/ vñ  
alle Christgleübigen leben vñd weben/ sterben vñd ver/  
derben/ vñnd in jm/ mitler zeyt/ biß an Jüngsten tag/  
schlafen/ rasten vñd rüwen/ vñd nach erklerter vñfferste  
ung die ganze welt vñreylen vñnd richten/ vñd zū letst  
mit jm hosieren vñd regieren/ leben vñnd schweben in  
ewigkeit/ Amen.

Joan. 17.

1. Thes. 4.  
1. Corin. 6.  
1. Cor. 15.

**¶** Verhalben/ In ansehung vñd fleysiger behertzung/  
irer aller heyligsten gesatzten vñd geschribenen götlichē  
rechten vñd gerechtigkeiten/ Nach dē exempel/ in göt/  
lichen gnaden des erleüchtigsten Fürsten vñnd herzen/  
Herz Josie des künigs Jude/ Der da nach lang ver/  
borgenen/ vñd nachmals im scharzkasten wider gesun/  
denem vñnd öffentlichen gelesenen göttlichen gesetze

B ij

durch götlichen verdriß vnd eyfer/mit zureyßung der  
kleyder seynes halses/alle von Gott vngedortene vnd  
Abgöttische vermeynte Gottes dienstes/ sytten vnn  
übung/nach inhalt götlichen gesezes zů grundt zerstö  
ret vnn dertylget/ Im. xxij. vnn. xxij. cap. des. iij.  
büches der künge. Dergleychen auch habē sie/ in yez/  
under betürten schrifftten vnd rechten nach widerumb  
eröffneten götlichem wortte/Alle falsche vngegründte  
eygenfündige vnd vermeynte tempel dienst/sytten vnd  
übüg/als vergebliche/vnnütze vñ gortzlesterliche dienst  
also lang biß zů eynes tüglichen diener gottes vnd gel  
trewen/seynes geheymniß aufsteylers ordenlicher vnd  
Christlicher erwelung/ nidergeleget/ vnd nach inhalt d  
schrifft die Euangelische messen des nechst nachuolge  
den Sonntag vffgericht/ Verhoffen zů Gott/ jr klar of  
fentlich recht vnd gerechtigkeit/auch richtiglichen vñ  
götlichen eruolget vnd sügenumen/ Deute. xvj. Sol  
von nyemand in hymel/hell/oder vff erdē/ vor vnrecht  
gewaldsarig vnd vermessen geschezet/ gehalten noch  
zů widerfechten vnderstanden werden/ Vñ haltē auch  
vor vngezweyffelt/das darinnen weltlicher von Gott  
zu straff vnd forcht den bösen/ vnd zů lob den gütten  
vñ strummen. i. Petri. ij.) verordneter oberkeit/ keyn yn  
griff/schmelerung vnd abbruch sey sürgenumen. Sie  
seyen auch darüber erbietig/vñ alle zeyt erbietig gewest/  
in rechten zymlichen gebürlichen pflichten vnd herlig  
keyten yederman zů wilfaren vnd alle schuld vñ gebürt  
zů leyßen/Geschofs dem das geschofs/ Zoll dem der zoll  
gebürt/Forcht dem die forcht gebürt. Wöllen auch nye  
mands ychdes schuldig seyn/ den das sie sich vnder eyn  
ander als die brüder lieben/zün Römern am. xij. Vñ  
haben darüber/ zů gemeyner statt bestem enthalt vnd  
gedeyen/ jrer weltlichen oberkeit(wider die freueler/ bel

trüber vnd zerstörer bürgerlichen vnd gemeynen bäu-  
derlichen freydes/die selben ordentlichen züstraffen) mit  
güt/leyb vnd leben bey zü steen/Vnd widerüb die ober-  
keit gegen den vndersten nichts anders dann mit rechts  
vnd rechtlichen vorzunemen vnd zü gebrauchen. Vnd  
über dz wort gottes/damit seyn klarer vffgang verhyndert  
oder verdruckt möcht werdē/ als außwendig ires  
gericht zwanges/ nichts fürzunemen/ sich mit der ge-  
meyne euntrechtlich vnd vnuerbrüchlichen zü hal-  
ten vnder einander verwilliget. All hyr möchten wol al-  
le vnnütze lügenhafftige vnnnd schedliche lestermeüler  
sich durch iren schendlichen rachen/ in jr vorgelte vnd  
giffige hertzen/hyneyn schemen/vnd so yrgent ein trö-  
pflin güter art in in were/dar vor beserben vnd entserzē/  
sie seyn Psaffen oder Münch/pünticht oder graw/ die  
da so vnchristliche lügen in frembde lande vnnnd stettē  
dem göttlichen wort zü hön/spott vnd nachteyl/ geschri-  
ben haben/Als solte die Euangelische gemeyne sich all  
hyr zü Meydeburg über den Erbaren Xhat entböret  
haben/vnd in seyner herlicheit entfrembdet/ vñ ganz  
verdruckt/vnd mit den reychen die güter zü teylen sich  
gewaltiglich vnderstanden haben/vñ also eyn geme-  
ne rappauß machē wider alle Christliche statut vñ orde-  
nung/vñ sunderlich wider S. Paulū. Ro. viij. 8 aller  
oberkeit gehorsam zü leyste von Christus wegen gebot-  
ten hat/ Dergleychē S. Peter. j. Petri. ij. Sie soltē der  
halbē das Euangelū vñ tröstliche wort gottes bey in  
nit lassen vffkūmen vñ überhandt nemen/vff dz in nit  
auch dergleychen geschehe/Vñ ist darzū laut vñ rucht-  
bar/das etliche meyster klügel die ich zü diser zeyt nicht  
nennen will/des selbigen veterlichen/Ja verzhäterlichē  
ethates/bereyrt sich habē geflussen/vnd das selbige tröst-  
liche Götliche wort/in seyn kraft zü kummen/ mit ge-

walt zu verdruckt vnderstanden/ Aber ich hoff zu Gott  
 in sol widerfahren als eynem der übersich hauwet/ dem  
 gemeyniglich die spene in die augen fallen/ Gott ge-  
 be das in nicht geschehe wie Pharaon/ sunder als Pau-  
 lo/ Dan es ist fast schwer vnd harte/ wider eynen starcke  
 vñ vesten stachel zu treten/ Fürwar/ fürwar/ solche ver-  
 rätherische lästermeüler/ mögens Gott vnd dem heyligē  
 Euangelio wol danckwissen/ das es die hertzen seyner  
 gleübigen/ also waich/ lynde vnd mythsam gemacht ha-  
 be/ Das sie an gütleib vnd seele zu ire erlyden grossen  
 schaden/ solche grosse gottes lesterung habē möge also  
 lang gedulden vñ vertragen/ vnd sie mit langes mit den  
 zenen zu hundert tausent stücken zürissen/ oder ale  
 wurmmel also kleyne zermalen. Nun wil sie Gott/ vil  
 leicht/ zu eyner grösseren straff behalten/ Aber das die  
 stummen durch sie bewerd/ oder sie selbst bekert möch-  
 ten werden/ Glaub sicherlichen lieber mensch/ hette di-  
 se widersacher vff irem/ also vil scheyn/ süg/ vnd vermö-  
 gen/ als die da vff dem Euangelischen teyl synd/ So  
 liessen sie in aller welt mit eynen leben/ vnd gründeten im  
 weder lufft/ wasser noch erden/ darinnen seyn leib nach  
 seynē todtrastē möchte/ sunder er müste durch dz ver-  
 zerende feür zu puluer vnd äsche werdē/ Welcher sie in  
 auch noch vnwürdig achteten. Wolan Gottes werck  
 seynd wunderlich vnd alleyn gerecht/ vnd recht mach-  
 end/ Das sey gnüg zum antrennen vor eyne entschuld-  
 gung der vnschuldigen vor den vnschuldige/ Aber den  
 schuldigen vnd bösen/ ist nichts güte vñ vnschuldig/  
 den vnreynen vñ vngleübigen/ ist vnreyn beyd ge-  
 müt vnd gewissen. Tito. j.

Damit

Damit aber den schendlichen vnd schedlichen lügen meütern/ire giffrige rachen gestopffet/vnnd die lügenhaftigen zungen doch etlicher maß möchten geschweyget vnd gestillet werden/oder vff das aller wenigste das sie ire eygene sünd vñ schand also gar an tag zü gebē/sich nicht weyter beflussen/da durch sie doch vil frummen Chrißlichen hertze/den sie nicht gehelffen mögen/auch keyn schaden mer theten/vñ jr eygen vertümnüß also erschrecklichen nit fürter mertten vñ überschütten/Vñ vff das ich alle frumme Chrißliche hertzen den diß gezeügnüß vorkumpt vor: solchen/ lügenhaftigen meütern möcht bewaren mit öffentlicher beweyfung/ Das die Chrißliche versamlung vnd gemeyne/der keyserlichen/löblichen vnd Chrißlichen statt Weydeburg nit allein nyemands weder öbern noch ündern stands/an leyb eer vnnd gütt mit ichte gedencck zü beleydigen/vnd das jr zü nemen/ sunder das sie als die frummen/erlichen vnd Chrißlichen leüht/solches vnd der gleychē gewalt vnd vnrecht/von den veruolgern des göttlichē worts (wo sie ja von in nit möchten überhaben geseyn) bereyt weren/ vmb Christus willen vormittels seyner hilff/gedultighen zü leyden/vñ darüber auch jr selbst wol gewinnen gütt vnd hab/ den nottürfftigen mitzützeylen brüderlichen haben fürgenummen/ wie ein yeglicher in disen nachuerzeychneten Artickeln klärlichen erkennen mag/welche ein Erbar Rath daselbst getrewlichen vnnd gantz Chrißlichen/ besunnen/ beschlossen vnd nach verzuñd nechst vergangnen Ostern ins werck fleysfiglichē gestellet hat/welche ich derhalbē hye nach hab drucken lassen.

Ordnung der gemeynen Kasten.

C

**Ordenung der gemeynē ka-  
sten: dem dürfftigen armut  
zu gut: in der löblichen  
statt Meydeburg  
vffgerichtet.**

Ein Erbar Rhat der Keyserlichen statt Meydeburg/hat auß hohem bedencken/vñ durch fleysfige anregen in heyliger schrifft verstendiger personen sampt den gemeynen Burgern/sich vereyniget/das dz armut vnd krancke nordürfftige volck möchte erquicket vnd erhalten werden/dem selbigē als vnseren nechsten hilff vñnd trost fürzuschieben vnd zū leyten/ Ist derhalben in S. Joannes kyrchen ein kasten gesazt/ vnd zū S. Augustin auch eyner/dareyn man versamlen sol/ was durch milte hend frumer leüth gegeben wirt. Zū disen zweyen kasten seyn zehen schlüssel verordnet/ Also das ein Erbar Rhat eynen hab/ die kyrch vätter auch eynen/ vnd yeglicher von den acht personen auß den burgern vnd der gemeynheit sol auch eynen haben.

Item vff das förmlich vñnd recht hyrbey gehandelt mag werden/ So hat ein Erbar Rhat vnder sich erwelet vier personen/ darunder ein Burgermeister ist/ Dise vier personen wöllen die ganz statt durchgen/ vñ sich fleysfiglich bekunden/ wo hauß arm leüth seynd/ oder sunst andere krancke vnd nordürfftige menschen/ die selbigen in ein Register verzeychnen/ vnd alle viert zehen tag/ oder vmb die vier wochen wöllen sie all die jhenigen zūsamē fordern die zū den kasten die schlüssel haben/ vnd alda den armen vnd dürfftigen handel

reychen vnd mitteylen/eynem yeden zū seyner nottürffe  
eyntweder am gelt/oder was yeglichem vor das gelt zū  
kauffen nordürfftig oder nützlichē erkent wirt/ So aber  
yemands nottürfftig were diser almusen/den die herzen  
nit besücht hetten/oder nit syndē kündē/ der keme selbst  
oder gebe sich an/hóret man das er benödtiget/ so sol jm  
hilffe gethon werden.

¶ Item/ So hat auch ein Erbar Rhat vnder sich  
vnnnd seyner Rhatuerwanten sündlerliche zehen perso/  
nen vff diße meynung erwelet/ das zwo von den hrzen  
in Sant Johans kyrchen/ein halbe oder ganze stund  
vor der predig in der kyrchen/ mit dem beüttel oder  
secklin vmb sollen geen/ vnd den nottürfftigen leütchen  
von dem volck da selbest das almüß zū bitten geflussen  
seyn. Des gleychen zū Sant Ulrich auch zwo person/  
Vnd zū Sant Katharinen auch zwo personen/ vnnnd  
zū Sant Jacob zwo personen/ vnd zū sant Peter der  
gleychen/sollen darzū in den zweyen klöstern Sant Au/  
gustini vnnnd Sant Marie Magdalenen/ so da selbest  
ein sermon oder predig gethon würde/ auch vmbgen  
vnnnd der gleychen almüß zū bitten/ vnd alles was die  
selbigen zehen personen also versamlet haben/ Sollen  
sie von stund an vngeselet in den Kasten zū Sant Jo/  
hans oder zū Sant Augustin/ wo das yeglichem am  
nechsten ist/ynstecken/vñ darbey also handeln als rech/  
ten/frummen vnnnd redlichen leütchen zū gebürt/ da für  
man auch die selbigen angesehen/erkenner vnnnd gehal/  
ten hat/vnnnd noch die selbigen zūseyn für vngerhadelt  
erkenner vnd haltet.

¶ Item was man hynfürter mer hilff vnnnd fürde/  
rung zū disem Kasten gehün kan/ mit Testamenten/  
vñ der gleychen was grosses hertz zū bringen/wil man  
sich nach allem vermögen besleyssen/ vff dz man auch



armen ellenden Junckfrawen züm Selichen standt zū  
beratten/ vnd der gleychen wirwen vñ waisen/ bhilflich  
vnd tröstlichen zūseyn mit der zeyt durch göttliche gna  
de/ künden vermöglichen werden.

¶ Item vff das man aber den saulen losen vnd wol  
vermögen bettelern/ beyde weyb vñ man/ da man sich  
keynes günnen zū versehen mag/ nit irer faulheit vñ ber  
lens stade gebe/ dadurch den strummen vnd warhafft  
gen armen/ jr gebürlich allmüß entzogen würde/ So  
hat ein Erbar Rhat gegebē zwen erfarene frumē men  
ner/ die da auch Bürger synd/ die selbigen sollen der ge  
meynen betler vffschawer vnd überherren seyn/ vnd al  
le tage/ oder ja vñ den andren tag in der statt/ auch vor  
den klöstern vnd an den andren enden/ da sich die selbi  
gen hüben rotte pfllegt zūuersamlen/ die vnbetanten an  
sprechen/ vnd die seüberlichen vnd glympflich verhördē/  
was jr getryb/ gewerb oder handel sey/ Vnd die da nit  
vor arme/ gebrechliche vnd nordürfftige betler besun  
den werden/ den selbigen ansagen/ das sie sich über drey  
tag nit sollen in d' statt finden lassen/ oder man wirt dem  
büttell/ wie gebürlich ist/ mit jn verschaffen zūhand  
len. So aber die selbigen zwen bettell vögt oder herren  
etliche Bürger oder sunst gantz arme leüth sünden/ die  
da nit zeychen hetten/ die selbigen sollen sie an die vier  
oben genante herren des Rhats weyßen/ die werdē den  
armen etliche grosse zeychen geben/ welche sie tragen sol  
len/ da bey die rechten nordürfftigē betler ein yederman  
mag erkennen/ vnd nach dem eynem yeglichen Gott in  
seyn hertz gibt/ seyn miltes almüßen reyche vñ mitteyle.

¶ Dises ist von eum Erbarn Rhat der gantzē statt/  
zū eynem anheben gemeyner Christlichen wallfart/ für  
genommen/ was nün Gott fürter will verleyhen/ das  
selbige vonn tag zū tagen verhoffen sie mit Götlicher

hülff zu besseren.

¶ Diesen kurzen begryff/hab ich Wolff Cicloff von  
Swickaw zc. Der artzney Doctor/ Nach dem ich/ als  
ein burger/gesehen vnd gehört/Darzu auß bitt vñ be/  
selch der Obersten glydmassen/ des leybs Chrißlicher  
gemeyne vnd versamlung/der löblichen/Keyserlichen/  
vnd Chrißlichen statt Weydeburg/ an den obenberür  
ten herin Probst vnd seyn Capitel/ persönlichen vñnd  
mündelichen angetragen/vnd nachmals schriftlichen  
verfasset/vnd den frommen/erbaren vnd Chrißlichen  
leüthen/jres Chrißlichen fürnemens/zü eynem ewigen  
gezeügnüß/hab durch den druck eröffnen vñ außbreyt  
ten lassen/ Da durch in frembden landen vnd stetten/  
da dise vrkunde hyn kumen mag/alle menschen/welche  
der gleychen gnad noch nit von Gott empfangen ha/  
ben/möchten nach disem exempel/zü der lust vnd liebe  
des göttlichen worts/alles des eynigen anfanges Chriß  
lichen glaubens/durch göttliche gnad gereyzt vnd gezo  
gē werde. Damit ich aber auch gebürliche gezeügnüß  
d̄ warheit an meiner personē selbst nit entzöge/ so beken  
ich vor yederman offentlich/ Das ich allhye in Weyde  
burg zü wonen/nye hatte fürgesetzt/sund wolte stracks  
durch auß ins oberland in meyn heymett gezogen seyn/  
Da ich aber die Chrißlichen vnd warhafftige prediger  
da selbst hatte gehört/vnd erkante die hertzige vnd brün  
stige liebe/züm göttlichen wort/des meysten volcks/wel  
liches auch nach inhalt heyliger vñnd Göttlicher ge/  
schafft/ mit dem werck jres Chrißlichen wesens vñnd  
wandels/als ein gewaltiges feiwer/ krefftiglichen vñ  
wunderlichen ist erwachsen/ Da durch ich hauß vñnd  
hoff/da selbst zü kauffen/vnd mit bürgerlichem wesen  
vnd wandel/bey jn mich nyderzulassen biß verursacht

C iij

worden/ Da ich aüch die zeyt meynes lebens/ nach göt-  
lichem willē vnd gefallen/ vortmittels seyner gnad  
vnd hilff gedenck vff disem jamerthal zu  
beschliessen Gott gebe zu Göt-  
licher ere/ vnd vil men-  
schen seligkeit/  
Amen.











582

**Magdeburg.** — (Cicloff, Wolff). Vrsach vnd handelung: In d' Keyserlichen Löblichen und Christlichen Statt Meydeburg, Ein Christlich wesen vñ wandel belangende, Dornstags nach Margarethe, Des. xiiij. tags Julij. In den zweyen Pfarren, S. Joannis vñ S. Vlrichs. Durch die Christlichen gemeynen vñnd versamlungen Offentlichen gehandelt vñ beschlossen. Anno etc. 1524 Maydeburg. [Straßburg, Matthias Schürer's Erben 1524]. 4to. 12 Bl. nnum. (d. letzte weiß). Mit 2 Zierstücken a. Tit. u. am Schluß u. 1 figürl. Holzschn.-Initiale. Pp. 1850,—

Eine der seltensten Reformationsschriften, zugleich eins der wichtigsten Dokumente für den Beginn der Reformation in Magdeburg. Panzer DA. II, 2395; Benzing, Schürers Erben (in: Wickram), Nr. 65; Benzing, Bibl. Strasbourg. 1306 (kennt nur 1 Expl. in Colmar BM). Nachdruck der in Magdeburg bei Hans Knappe (Hülbe Nr. 4) erschienenen Originalausgabe. Der Verfasser Wolf Cycloff (oder Cyclop = Kannegießer) nennt sich zu Beginn des

Nachworts als „Der artzney Doctor“ und aus Zwickau kommend. Die Schrift enthält vor allem die Verhandlungen der von der Ulrichsgemeinde Abgeordneten, darunter Cycloff selbst, mit dem Probst des Prämonstratenserklosters und obersten Pfarrers, Heinrich Stott von Seehausen, über die Einführung evangelischer Prediger. Darauf folgt die vom Rat der Stadt erlassene „Ordnung der gemeinen Kasten“ für die Armen, die zwar weniger umfangreich, aber von den gleichen Grundsätzen bestimmt ist wie die 1 Jahr früher mit Luther's Hilfe eingeführte Leisniger Kastenordnung. Den Beginn von Gottesdienst- und Gemeindeordnung nach reformatorischen Prinzipien und mit Schaffung einer evangelischen Armenpflege hatte schon Carlstadt am 24. Juni 1522 mit der Wittenberger Gemeindeordnung markiert. In Zwickau waren diese Ideen schon früh aufgenommen worden, und die Person Cycloff's scheint deren Aufnahme in Magdeburg bewirkt zu haben. In seinem Nachwort hofft er auch, dieses Beispiel eben durch den Druck auch nach draußen bekannt zu machen, daß es auch „in frembden landen vnd stetten als Muster dienen werde. Wer für den Druck in Straßburg gesorgt hat, ist unbekannt geblieben. — Weißer Außenrand etwas fleckig, sonst vorzüglich erhalten.



